



Broj/ Број : 02/2-50-1-13-44/06
Sarajevo/ Сарајево : 18. 1. 2006.

Z A P I S N I K

44. sjednice Komisije za vanjsku i trgovinsku politiku Doma naroda Parlamentarne skupštine BiH održane 20. 12. 2005.

Četrdesetčetvrtu sjednicu Komisije za vanjsku i trgovinsku politiku Doma naroda Parlamentarne skupštine Bosne i Hercegovine sazvaio je predsjedavajući Komisije Hasan Čengić.

Sjednici su prisustvovali sljedeći članovi Komisije: Hasan Čengić, Vinko Radovanović, Velimir Jukić, Osman Brka i Ruža Stojanović, kao i Nevenka Savić, sekretar Komisije i Aida Kreho, pripravnik-volonter. Anto Spajić bio je opravdano odsutan.

Osim navedenih, sjednici su, u svojstvu predstavnika predlagača, prisustvovali: Džemal Fako iz Ministarstva finansija i trezora; Nikola Šego iz Ministarstva komunikacija i prometa, Samir Rizvo iz Ministarstva sigurnosti; Jusuf Halilagić iz Ministarstva pravde; Amira Arifović i Vesna Planinić iz Ministarstva vanjskih poslova.

Sjednicom je predsjedavao predsjedavajući Komisije Hasan Čengić. Nakon što je konstatirao da postoji kvorum, predsjedavajući Komisije je predložio da se Dnevni red dopuni davanjem saglasnosti za ratificiranje Sporazuma o razvojnom kreditu (Projekat jačanja zdravstvenog sektora) između Bosne i Hercegovine i Međunarodne asocijacije za razvoj, kako slijedi:

D O P U N J E N I D N E V N I R E D

1. Usvajanje Zapisnika sa 43. sjednice Komisije;
2. Prijedlog zakona o implementaciji Konvencije o zabrani razvoja, proizvodnje, gomilanja i upotrebe hemijskog oružja i o njegovom uništavanju – predlagač Vijeće ministara BiH;
3. Davanje saglasnosti za ratifikaciju Memoranduma između Vlade Ruske Federacije i Vlade Bosne i Hercegovine, Vlade Republike Hrvatske, Vlade Republike Makedonije, Vlade Srbije i Crne Gore i Vlade Republike Slovenije o poravnanju međusobnih finansijskih potraživanja u odnosu na izmirenje računa iz robne rezerve između bivšeg SSSR i bivše SFRJ – predlagač Predsjedništvo BiH;

4. Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Republike Koreje o kreditu Fonda za ekonomsku razvojnu saradnju i Aranžmana između Vijeća ministara Bosne i Hercegovine i Vlade Republike Koreje o kreditu Fonda za ekonomsku saradnju – predlagač Predsjedništvo BiH;
5. Davanje saglasnosti za ratifikaciju Ugovora između Bosne i Hercegovine i Republike Slovenije o pravnoj pomoći u građanskim i krivičnim stvarima – predlagač Predsjedništvo BiH;
6. Davanje saglasnosti za ratifikaciju Sporazuma o vazdušnom saobraćaju između Vijeća ministara Bosne i Hercegovine i Vlade Republike Grčke – predlagač Predsjedništvo BiH;
7. Informacija o mogućem razvoju događaja vezano za pregovore sa EU o ukidanju viznog režima za BH građane – Ministarstvo sigurnosti BiH;
8. Davanje saglasnosti za ratificiranje Sporazuma o razvojnom kreditu (Projekat jačanja zdravstvenog sektora) između Bosne i Hercegovine i Međunarodne asocijacije za razvoj - predlagač Predsjedništvo BiH;
9. Nezavršene aktivnosti u 2005. godini;
10. Tekuća pitanja.

Dopunjeni dnevni red je jednoglasno usvojen.

Ad. 1. Usvajanje Zapisnika sa 43. sjednice Komisije;

Zapisnik sa 43. sjednice Komisije jednoglasno je usvojen.

Ad. 2. Prijedlog zakona o implementaciji Konvencije o zabrani razvoja, proizvodnje, gomilanja i upotrebe hemijskog oružja i o njegovom uništavanju

O Prijedlogu Zakona, njegovim principima, načelima i neophodnosti donošenja govorili su predstavnici predlagača g. Halilagić i g-đa Arifović. G. Čengiće je naglasio da razumije značaj usvajanja zakona, ali ovaj Prijedlog je nekonzistentan, neka su tehnička pitanja ostala neriješena, nije jasno razgraničena civilna od vojne upotrebe hemijskih sredstava, itd. Predstavnici predlagača istakli su da postoji obaveza donošenja zakona koji će regulirati implementaciju Konvencije da su već 173 zemlje usvojile zakon, za zemlje koje to ne učine slijede sankcije, a sa preloženim tekstom su se saglasile sve relevantne domaće institucije.

U diskusiji su učestvovali svi članovi Komisije i uglavnom se saglasili sa predsjedavajućim da su ozbiljni nedostaci ovog Prijedloga zakona u sljedećem:

- neprecizna definicija u članu 2. stav 1. tačka b. alineja 3.;
- neprecizna definicija u članu 2. stav 1. tačka i;
- procedura dobivanja dozvole;
- broj članova i sastav Državnog koordinacionog tijela;
- skladištenje hemikalija;

- rokovi iz člana 27.

Na kraju diskusije, članovi Komisije su odlučili da:

1. jednoglasno usvoje principe i načela zakona ,
2. da zatraže od Kolegija Doma naroda produženje roka za komisijsku fazu razmatranja zakona,
3. da pokušaju amandmanima popraviti nepreciznosti u ponuđenom tekstu.

Ad. 3. Davanje saglasnosti za ratifikaciju Memoranduma između Vlade Ruske Federacije i Vlade Bosne i Hercegovine, Vlade Republike Hrvatske, Vlade Republike Makedonije, Vlade Srbije i Crne Gore i Vlade Republike Slovenije o poravnanju međusobnih finansijskih potraživanja u odnosu na izmirenje računa iz robne rezerve između bivšeg SSSR i bivše SFRJ

Predstavnik predlagača, g. Fako, govorio je u uvodnom izlaganju o Memorandumu iz pozicije člana Radne grupe za pregovore o sukcesiji bivše SFRJ. On je upuznao članove Komisije sa hronologijom pregovaranja i potpisivanja Memoranduma i zatim odgovarao na pitanja članova Komisije. U diskusiji je konstatirano da postoje tehničke greške u prevodu dokumenta.

Nakon toga, članovi Komisije jednoglasno su odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Memoranduma. Komisija je, takođe, zatražila od predstavnika predlagača da do sjednice Doma naroda dostavi tekst Memoranduma sa ispravljenim tehničkim nedostacima (tehnička greška su cifre koje se pominju u tekstu, a nastale su prilikom prevođenja).

Ad. 4. Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Republike Koreje o kreditu Fonda za ekonomsku razvojnu saradnju i Aranžmana između Vijeća ministara Bosne i Hercegovine i Vlade Republike Koreje o kreditu Fonda za ekonomsku saradnju

Glavne odredbe Sporazuma pojasnio je g. Čengić. G-đa Stojanović je iznijela primjedbu na sintagmu «Vlada Bosne i Hercegovine» koja se koristi i u ovom, kao i u nekim drugim međunarodnim ugovorima i sporazumima, a koja je neustavna kategorija.

Članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 5. Davanje saglasnosti za ratifikaciju Ugovora između Bosne i Hercegovine i Republike Slovenije o pravnoj pomoći u građanskim i krivičnim stvarima

G. Čengić je u uvodnom izlaganju objasnio hronologiju razmatranja ovog Ugovora na Komisiji. Podsjetio je na spornu odredbu u članu 1. stav 3. i obraćanje Komisije advokatskim komorama sa molbom da iznesu stav po ovom pitanju. Advokatske komore oba entiteta su se odazvale i u pismenoj formi iznijele stavove – neprihvatljive za advokate u Bosni i Hercegovini.

Nakon toga, članovi Komisije jednoglasno su odlučili da Domu naroda predlože sljedeće:

- da se izjašnjavaње o Ugovoru između Bosne i Hercegovine i Republike Slovenije o pravnoj pomoći u građanskim i krivičnim stvarima odgodi dok se Vijeće ministara BiH

ne izjasni o razlozima sadržaja Ugovora i o mogućnostima popravljanja uočenih nereciprociteta u Ugovoru.

Ad. 6. Davnje saglasnosti za ratifikaciju Sporazuma o vazdušnom saobraćaju između Vijeća ministara Bosne i Hercegovine i Vlade Republike Grčke

Predsjedavajući Komisije, g. Čengić je podsjetio da Sporazum ne obezbjeđuje jednake uvjete za kompanije iz dvije zemlje, dakle princip reciprociteta nije ispoštovan do kraja.

Članovi Komisije jednoglasno su odlučili da predlože Domu naroda sljedeće:

- Da se izjašnjavanje o Sporazumu o vazdušnom saobraćaju između Vijeća ministara Bosne i Hercegovine i Vlade Republike Grčke odgodi dok se Vijeće ministara BiH ne izjasni o razlozima nereciprociteta rješenja u Sporazumu, mogućih implikacija na nedavanje saglasnosti na ratificiranje, kao i o mogućnostima popravljanja uočenih nereciprociteta u Sporazumu.

Ad. 7. Informacija o mogućem razvoju događaja vezano za pregovore sa EU o ukidanju viznog režima za BH građane

Informaciju je prezentirao, pojasnio i na pitanja članova Komisije odgovarao g. Rizvan iz Ministarstva sigurnosti. U diskusiji su učestvovali g. Čengić i g. Brka. Kao rezime diskusije i iznesenih prijedloga, članovi Komisije su Informaciju primili k znanju i jednoglasno usvojili sljedeći zaključak:

2. Predlaže se Domu naroda da zatraži od Vijeća ministara BiH da hitno izradi Operativni plan aktivnosti (državni) za ukidanje viznog režima za građane Bosne i Hercegovine:
 - a) u zemljama Schengen-a,
 - b) u ostalim zemljama Evropske unije.
2. Da se ubrza procedura pregovaranja za ukidanje viza sa
 - a) zemljama Schengen-a,
 - b) ostalim zemljama Evropske unijeza nosioce diplomatskih i službenih pasoša.

Ad. 8. Davanje saglasnosti za ratificiranje Sporazuma o razvojnom kreditu (Projekat jačanja zdravstvenog sektora) između Bosne i Hercegovine i Međunarodne asocijacije za razvoj

Članovi Komisije su jednoglasno odlučili da o Sporazumu ne raspravljaju u odsustvu predstavnika predlagača.

Ad. 9. Nezavršene aktivnosti Komisije u 2005. godini

Članovi Komisije su razmotrili aktivnosti Komisije koje su djelimično ostale nezavršene u 2005. godini i aktivnosti koje treba preduzeti da bi se one privele kraju.

1) Formiranje grupa za prijateljstvo i saradnju

Potrebno je uputiti dopis Kolegiju da završi proceduru.

2) Povoljniji vizni režim za građane BiH

Aktivnost je završena u skladu sa zaključkom tačke 7. Dnevnog reda.

3) Mogućnosti bh privrede, tzv. «privredna karta»

Komisija će zakazati posebnu sjednicu sa radnim nazivom «Razmatranje aktivnosti za podsticanje privrednog rasta, povećanje izvoza, smanjenje trgovinskog deficita i osiguravanja dodatnih povoljnosti za strana ulaganja». Sjednica Komisije će biti zakazana za februar 2006. godine. Na sjednicu će biti pozvani predstavnici Vijeća ministara BiH, vlada oba entiteta, Vanjsko-trgovinske komore BiH, privrednih komora oba entiteta, izvoznika, te proizvođača i kompanija osnovanih stranim ulaganjima.

Za sjednicu zatražiti pripreme materijale od Vijeća ministara BiH, odnosno Ministarstva vanjske trgovine i ekonomskih odnosa, kao i Vanjsko-trgovinske komore BiH i privrednih komora oba entiteta.

4) Stanje i kadrovska popunjenost u Ministarstvu vanjskih poslova i DKP mreži

Aktivnost je završena.

5) Dopis Upravi za indirektno oporezivanje i Ministarstvu finansija i trezora – mišljenje na Zakon o duhanu, Zakon o izmjenama i dopunama zakona o akcizama i Zakon o izmjenama i dopunama zakona o akcizama na duhanske proizvode

Čeka se da Vijeće ministara BiH proslijedi zakone u parlamentarnu proceduru. Komisija će pratiti dalje aktivnosti u vezi sa zakonima.

Aktivnost se prenosi u narednu godinu.

6) Dopis Vijeću ministara BiH za ubrzavanje procedure za priključenje Bosne i Hercegovine Svjetskoj carinskoj organizaciji

Čeka se odgovor Vijeća ministara BiH, urgenciju uputiti u martu mjesecu ako do tada aktivnosti ne budu završene.

7) Dopis Vijeću ministara BiH sa zahtjevom da se u roku od 60 dana (26.7.2005.) dostavi analiza primjene ugovora o slobodnoj trgovini sa posebnim osvrtom na ugovore BiH – R Hrvatska i BiH – SCG, sa zaključcima i prijedlogom mjera za smanjenje trgovinskog deficita

Uputiti urgenciju na istu adresu.

Aktivnost se prenosi u naredni period.

8) Dopis Ministarstvu vanjskih poslova kojim se traži njihov prijedlog za uključivanje parlamentarnih komisija u pripremu platforme za pregovaranje u vezi sa zaključivanjem međunarodnih ugovora/sporazuma

Obnoviti dopis Ministarstvu.

Aktivnost se prenosi u narednu godinu.

Ad. 10. Tekuća pitanja

Članovi Komisije su zatražili od predsjedavajućeg Komisije da prilikom razgovora sa članovima visoke delegacije Malezije, koja boravi u Bosni i Hercegovini, dogovori posjetu Komisije za vanjsku i trgovinsku politiku ovoj prijateljskoj zemlji.

Predsjedavajući Komisije
Hasan Čengić